

KANTON SARAJEVO STRUČNA SLUŽBA ZA ZAJEDNIČKE POSLOVE

ulica Reisa Džemaludina Čauševića br. 1 71 000 Sarajevo

ID broj: 4200667410006

koju zastupa načelnik Fikret Jašarević, (u daljem tekstu *Naručilac*)

i

PORSCHE INTER AUTO BH d.o.o.

Bulevar Meše Selimovića 16, 71 000 Sarajevo,

ID 4202574310004

koga zastupa direktor Alex Andor Vaszi (u daljem tekstu: *Izvršilac*)

zaključili su

**OKVIRNI SPORAZUM
O SERVISIRANJU MOTORNIH VOZILA I ISPORUCI
ORIGINALNIH DIJELOVA ZA SERVISIRANJE VOZILA ŠKODA**

Član 1.

Predmet ovog Okvirnog sporazuma je vršenje servisnih usluga, popravka motornih vozila i prodaja originalnih dijelova vozila, po važećem cjenovniku i normativnima izvršioca, a u skladu sa uslovima ponude Izvršioca broj: PIA-351/20-S.H. od 03.12.2020. godine, zaprimljene pod brojem 17-11-48810 od 03.12.2020. godine (LOT 2) (u daljem tekstu: *Ponuda*).

Član 2.

Izvršilac se obavezuje da će:

- a) stručno i kvalitetno obavljati servisne usluge i popravke motornih vozila Naručioca u garantnom i vangarantnom roku,
- b) u roku od jednog (1) sata od momenta dopremanja motornog vozila u servis uzeti u rad,
- c) na svom lageru obezbijediti neophodne rezervne dijelove za servisiranje vozila uz prethodno dostavljenu specifikaciju naručioca,
- d) sve servisne intervencije i opravke vozila Naručioca vršiti u skladu sa planom održavanja vozila, odnosno prema uputama proizvođača istih.

Član 3.

Naručilac se obavezuje da će se pridržavati plana održavanja vozila, odnosno uputa proizvođača istih, uključujući primjedbe Izvršioca.

Naručilac se obavezuje da neće koristiti usluge drugih servisa sa područja Kantona Sarajevo za popravak i održavanje svojih vozila osim u slučajevima kada drugačije nije moguće.

Izvršilac se obavezuje da će se pridržavati svih garantnih uvjeta proizvođača vozila u skladu sa Okvirnim sporazumom.

Član 4.

Ugovaranje izvršenja usluga iz člana 1. ovog okvirnog sporazuma definisati će se posebnim ugovorom.

Član 5.

Izvršilac se obavezuje da će sljedeće servisne intervencije izvršiti **odmah**, odnosno bez prethodne najave Naručioca, uz obaveznu i to:

- zamjena akumulatora,
- zamjenu metlica brisača,
- opravka ispušnog sistema,
- zamjena kočionih obloga,
- zamjena sijalica, kao i druge servisne intervencije koje ne zahtijevaju dugo vremensko zadržavanje.

Naručilac se obavezuje da redovne servise, koji su predviđeni u servisnim knjigama i uputstvima za upotrebu vozila koje preporučuje proizvođač, neće tretirati kao hitne i za njih neće tražiti izvršenje bez prethodne najave.

Član 6.

Izvršilac će cijenu obavljene usluge iz člana 1. ovog Okvirnog sporazuma obračunavati na osnovu specifikacije urađenih poslova, utrošenog materijala i ugrađenih dijelova po slijedećem cjenovniku:

1. **MEHANIČAR (radni sat / norma sat) 26,91 KM (sa PDV-om),**
2. **ELEKTRIČAR (radni sat / norma sat) 26,91 KM (sa PDV-om),**
3. **LIMAR (radni sat / norma sat) 26,91 KM (sa PDV-om),**
4. **LAKIRER (radni sat / norma sat) 26,91 KM (sa PDV-om).**

Za sve vrste servisnih usluga motornih vozila, Izvršilac će se **pridržavati cjenovnika rezervnih dijelova (jedinične cijene)** koji je dostavljen u Ponudi.

Za sve izvršene usluge Izvršilac odobrava rabat u iznosu od 10% koji će se obračunavati i posebno naznačiti pri ispostavljanju fakture za izvršene usluge.

Ukupna ugovorena vrijednost ovog Okvirnog sporazuma iznosi:

Ukupna cijena bez PDV-a	30.000,00 KM
PDV 17 %	5.100,00 KM
Ukupna cijena sa PDV-om	35.100,00 KM

Slovima: (tridesetpethiljadajednustotinu KM).

Član 7.

Ugovorne strane su saglasne da rok plaćanja iznosi 40 dana od dana izdavanja računa. Naručilac se obavezuje da neće stvarati nove materijalno-finansijske obaveze ukoliko je rok za plaćanje prethodnog računa istekao.

Član 8.

Okvirni sporazum stupa na snagu danom potpisivanja i važi do 31.12.2021. godine, uz mogućnost produženja za još jednu godinu pod istim uvjetima. Uslov za produženje Okvirnog sporazuma je saglasnost ugovornih strana.

Član 9.

Garantni rok na izvedene radove i ugrađene originalne dijelove iznosi 24 mjeseca.

Član 10.

Svaka ugovorna strana može jednostrano pokrenuti proceduru za raskid ovog Ugovora ako druga ugovorna strana ne izvršava obaveze preuzete ovim Okvirnim sporazumom uz otkazani rok od 30 dana (računajući rok od dana prijema otkaza).

Član 11.

Ugovorne strane su saglasne da će sve eventualne sporove u vezi izvršavanja ovog Okvirnog sporazuma nastojati da riješe sporazumno, a u slučaju nemogućnosti rješenja spora sporazumno ugovorne strane su saglasne da je nadležan sud u Sarajevu.

Član 12.

Izvršilac nema pravo da zapošljava, u svrhu izvršenja Ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, nadležna za dodjelu navedenog Ugovora o javnoj nabavci, najmanje šest mjeseci po zaključenju Ugovora.

Član 13.

Ovaj Okvirni sporazum je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

Član 14.

Okvirni sporazum stupa na snagu danom obostranog potpisivanja od strane ovlaštenih lica ugovornih strana.

NARUČILAC:

KANTON SARAJEVO

Stručna služba za zajedničke poslove

Načelnik

Fikret Jašarević

Broj: 17-11-45200-34/20

Datum: 22.01.2021. godine

IZVRŠILAC:

PORSCHE INTER AUTO BH d.o.o.

// Direktor

Alex Andor Nasci

Broj: PIA-U-27/21/A

Datum: 03.02.2021.

